

苗疆屯防實錄

第五冊

苗疆屯防實錄

第五冊

苗疆屯防實錄卷之五

屯防條奏事宜

大學士公保 等謹

奏為遵

旨會議覆奏事內閣抄出湖南巡撫阿林保等具奏湖南
苗疆東南北三面周圍七百餘里環列苗人二千餘寨
自戡定以後籌修堡壘碉卡環以兵勇各該士民等咸
願均出田畝以贍丁勇數年以來陸續丈收於上年十
月內奏明未經授田鄉勇二千一百四十一名飭將各
廳縣未均田畝一律趕均分撥耕守至撤存土塘苗兵
九千九百三十六名本年自剿洗永綏苗寨之後遠近

苗人願將從前強佔田地呈繳歸公並有逆苗叛產令撥良苗佃種收租以資養贍均蒙

聖鑒在案茲據辰沅道傅鼐稟報各路田地均已丈收清楚酌議鳳凰等廳縣共設屯兵七千名並批留備戰練勇一千名即於均出田內撥佃收租其苗人呈繳佔田及查出逆產按歲租之所入於裁存土塘苗兵內酌留五千名足數贍給所有每年應撥鄉勇鹽糧及土塘苗兵工食共銀八萬二千七百餘兩米六千三百餘石即於本年十月初一日起全行停支現計各廳縣共均出歸公田六萬一百餘畝除令授屯丁承種及提作練勇鹽糧共田五萬六百九十畝外尚餘田九千四百餘畝

自可召佃收租備充歲支公費無須另行籌項其應行
儲備銀谷現在無款可籌應即酌量捐籌以防荒歉而
資緩急他如分設屯官鈴束苗弁並訓練兵勇技藝嚴
禁私典屯田以及稽查收支均應立法勸懲並申明例
禁毋許欺凌索擾除冊造均出田畝授耕佃租各數暨
均戶姓名清冊另行咨部立案並一切未盡事宜容俟
次第辦理外謹酌議章程八條另繕清摺謹會同署湖
廣總督臣瑚圖禮湖南提督臣仙鶴林合詞恭摺具
奏等因一摺嘉慶十年十一月二十六日奉

硃批大學士會同該部議奏欽此遵於十二月二十九日
抄出到部臣等查嘉慶九年十一月內據調任湖廣總

督吳熊光等具奏鳳凰等廳縣截至嘉慶九年九月底
止尚存鄉勇二千一百四十一名苗兵九千九百三十
六名仍令照額例支食鹽糧工食並將各處未均田畝
趕緊清丈分給歸屯經戶部議覆在案今據湖南巡撫
阿林保等奏報各路未均田地丈收清楚酌議章程八
條臣等查均田養贍丁勇原為綏靖苗疆起見立法務
極周詳而成局期能悠久今各路均出田地共丈收六
萬一百餘畝酌於鳳凰等廳縣分設屯丁七千名按名
授田耕守並批留備戰練勇一千名即於均出田內撥佃
收租支放鹽糧其苗人呈繳佔田及查出逆產亦經查清
按歲租之所入截存苗兵五千名足數贍給所有每年

應發鹽糧工食銀八萬二千七百餘兩米六千三百餘石於本年十月初一日起全行停支並申明舊例禁止民人擅入苗寨以杜弊端辦理尚為妥協至於該官以嚴約束訓練以精技藝名佃以裕經費捐廉以資接濟本長久安定苗疆之道臣等按所奏八條悉心核議惟批留練勇一條應令該撫轉飭如有缺額即行挑選壯勇募補足數以資捍衛召佃撥存餘田籌捐存貯銀谷清查逆苗叛產三條據稱毋庸報部第恐日久弊生有侵蝕虧挪情事應令年終將收支各數報部備查其餘四條均應如所奏辦理至一切未盡事宜應令次第酌以籌核辦理謹將核議八條另繕清摺恭呈

御覽是否有當伏候

皇上訓示遵行謹

奏請

旨嘉慶十年十二月十六日奏本日奉

旨依議欽此

謹將酌籌湖南苗疆均屯經久章程開列條款清摺恭
呈

御覽

一各路碉卡應酌定派駐勇丁及分授均出因數以資
耕守也查湖南鳳凰乾州永綏三廳及古丈坪保靖五
廳縣歷年籌修石工汛堡壘卡碉樓哨台炮台關門共
一千一百餘座除分駐官兵外尚有八百餘座均應安
設勇丁駐守原奏鳳凰廳安設防兵六千名乾州廳六
百名永綏二千名古丈坪一百名保靖縣三百名茲按
照地方之夷險碉卡之疎密分別派駐鳳凰廳止需防
丁四千名足數分守其餘四廳縣仍應按原數募駐並

仿照貴州有九衛屯田之制於屯丁內挑設小旗總旗
百總以資管束通計五廳縣共設屯丁七千名內散丁
六千九十名每名給田四畝五分小旗七百名每名給
田五畝五分總旗一百四十名每名給田六畝五分百
總七十名每名給田七畝五分通共給田三萬二千六
百九十畝俱於均出田畝內就近撥給並已於各屯卡
內蓋造房屋倉圈每丁五名給牛一隻犁耙一付每丁
各給鋤鑿一付俾各該勇丁居住耕守養贍有資不費
糧餉而以七千名勇丁分佈於沿邊七百十三里之硯
卡與各路營汛塘房交接聯絡聲息相通設有警動一
硯鳴角放鎗鄰近硯卡營汛均可接應立時赴援庶苗

匪不敢乘隙窺伺邊境永廢牧寧矣

一鳳凰廳原挑精銳練勇應留各攻戰也查苗疆五廳

縣沿邊碉卡雖已分佈勇丁而每碉所駐不過數名僅止防堵設偶遇匪徒滋事必須遠出攻剿若將沿邊戍卒調集遠離必致碉卡空虛疏虞堪慮查鳳凰廳有原挑備戰練勇一千名係辰沅道傳歷年挑選所得訓練日久甚為精銳且苗重山複嶂跬步皆險該練勇久習行走越巔登山如履平地凡苗巢深險之區皆可直抵其穴節次攻剿苗寨皆係該練勇陟險爭先所向克捷遠近寨苗無不聞風胆落必應仍行留備攻戰之用應以五百駐劄上五崗適中之新場堡五百名駐劄下五

尚緊要之同全坡建給房屋棲止今交現設屯弁管帶
操演遇有匪苗滋事相機調遣剿捕庶精銳常存有守
有戰聲威益壯惟此項戰丁習於戰陣農事非其所長
且須專司操演以脩隨時調遣難以分身耕作應視屯
丁寬給田畝佃租養贍俾令飽騰以收寔用擬即於均
出田畝內酌撥田一萬八千畝責成該道督率屯弁管
理召佃收租苗疆地方硃瘠歲時豐歉不常適中核計
每年約可得租谷一萬八千石現計練勇一千名除每
名每年應給食米三石六斗共需米三千六百石合谷
七千二百石外尚餘谷一萬八百石即照依時價變賣
為支給鹽糧菜銀兩之用前項練勇一千名內散丁八

百七十名每名每年應給鹽菜銀十兩八錢小旗一百
名每名每年給銀十二兩總旗二十名每名每年給銀
十三兩二錢百總十名每名每年給銀十六兩八錢共
需銀一萬一千二十八兩惟糧價貴賤無常難以預定
應令該管屯弁於每年秋後催收齊全收貯公倉核明
寔收谷數具稟該道轉報除收存貯應給食米谷七千
二百石按月碾供外所有餘谷應於糧價稍昂之時儘
數變糶一面將變價銀數隨時報明一面照額定應給鹽
菜之數按名按月支放如遇歉收不敷准於餘田租谷
內撥補若豐歲多收支有餘銀即歸於餘田項下充公
脩用其遇閏之年應行加增鹽菜口糧亦於餘田租谷

項下通融撥給仍責令該屯弁將每年支銷細數年終造報由該道查明詳移院司衙門稽核以杜弊混

一令撥存剩餘田酌議召佃收租以資經費也查各路碣堡哨台長牆並屯卡房屋等項皆係邊地要工為數繁多自應隨時修葺一律完整除小有損壞即令駐守之兵勇自行粘補外其有年久朽壞或風雨吹淋或山水刷冲工程較大勢難責令兵勇修辦應由屯弁報明該廳縣親往勘估通詳興修又屯丁練勇常川操防均須製子藥而丁勇遇有紅白事件應需惠賞並陣傷亡故丁勇眷口亦應酌給養贍以示體卹或遇有苗匪滋事調集練勇堵剿須給裹帶行糧及添脩藥鉛辦理一

切苗務應需盤費飯食並修理倉廩暨倉書斗級工食等項兼有備戰練勇應行加增閏月鹽菜口糧尚需通融撥補為費甚鉅均屬無項可支查現在均出歸公田六萬一百餘畝除分授屯丁練勇共田五萬六百九十畝外尚餘田九千四百餘畝應即召佃收租以苗疆中歲牽計每年約得租谷九千四百餘石變價充公除屯弁應支分例銀三千餘兩外所餘銀兩即為歲修工程等項之需仍飭撙節動用免致支絀以餘田之所入充必需之經費無需另籌款項而沿邊各工既得永資鞏固一切要需亦無慮缺乏邊防大局可以日久不敝矣至每年收支之數並責令經管屯弁於年終造報廳

縣呈道詳移院司查核層層稽查無慮浮冒弊混應請毋庸報部核銷以省案牘

一各路屯田專設屯弁以資經理也查各廳縣防邊勇丁七千名又鳳凰廳挑留備戰練勇一千名共屯種佃種田地五萬六百九十畝又畝餘田九千四百餘畝地廣事繁必須專員經營查黔省屯制今設衛千總九員以資管束惟安設屯弁原以約束屯丁並無領運之責未便仍招衛千總名色自應改為屯千總而南省屯丁均防守碉卡亦與黔屯軍不同尚須添設屯把總外委藉資分管鳳凰廳屯勇四千名備戰練勇一千名擬設屯把總一員屯外委二員屯額外二名永綏廳屯勇二

千名擬設屯千總兩員屯把總兩員屯外委二員屯額
外二名保靖縣屯勇三百名擬設屯外委二員額外一
名古丈坪廳屯一百名擬設屯把總一員以上五廳
縣共設屯弁四十員名即於廳標現任候補把總外委
歷年管帶練勇屯丁之百總及熟習邊情之營弁內遴
選挑補並於鳳凰廳現設屯弁內酌派屯千總二員屯
把總二員屯外委二員屯額外二員飭令管帶備戰練
勇勤慎操演餘各派分段落將屯丁屯田一切撥防耕
守事宜盡心經理庶責有專司可期妥協仍各歸廳縣
管轄總隸於辰沅道統屬核其功過定以考成並照黔
省屯制定以五年內如果寔心辦理所管屯勇技藝純